

186
1993

ISSN—0132—4241

საქართველოს
ბიბლიოთეკა



**საქართველოს რესპუბლიკის
მინისტრთა კაბინეტის
დადგენილებათა კრებული**

№ 1

თანხარი

1993 წ.



საქართველოს რესპუბლიკის მინისტრთა კაბინეტის დადგენილებათა კრებული

№ 1

იანვარი

1993 წ.

შ ი ნ ა ა რ ს ი

1. საქართველოს რესპუბლიკის სახელმწიფო კონცერნ „საქნავთობპროდუქტის“ წესდების გაუქმების შესახებ.
2. საქართველოს რესპუბლიკის მთავრობის 1992 წლის 26 აგვისტოს № 867 დადგენილების მოქმედების ვადის გაგრძელების შესახებ.
3. თბევილი გაზის ფასის მოწესრიგების შესახებ.
4. საქართველოს რესპუბლიკაში საბუღალტრო აღრიცხვისა და ანგარიშგების დროებით დებულებაში ცვლილების შეტანის შესახებ.
5. სასოფლო-სამეურნეო დანიშნულების მიწების რეფორმის მიმდინარეობის შესახებ.
6. საქართველოს რესპუბლიკის მთავრობის 1992 წლის 7 აგვისტოს № 802 დადგენილების მოქმედების ვადის გაგრძელების შესახებ.

საქართველოს რესპუბლიკის მინისტრთა კაბინეტი ადგენს:

1. საქართველოს რესპუბლიკის მინისტრთა კაბინეტის შესახებ საქართველოს რესპუბლიკის 1992 წლის 22 დეკემბრის კანონის შესაბამისად ძალადაკარგულად ჩაითვალოს საქართველოს სსრ მინისტრთა საბჭოს 1990 წლის 2 ოქტომბრის № 556 დადგენილება.

2. დაევალოს საქართველოს რესპუბლიკის სახელმწიფო კონცერნი „საქნავთობპროდუქტს“ ერთი კვირის ვადაში წარმოუდგინოს საქართველოს რესპუბლიკის მინისტრთა კაბინეტს განაახილველად კონცერნის სტრუქტურა და დებულება, შეთანხმებული საქართველოს რესპუბლიკის სათბობისა და ენერგეტიკის სამინისტროსთან.

საქართველოს რესპუბლიკის
პრემიერ-მინისტრი

თ. სიგუა

ქ. თბილისი, 1993 წ. 5 იანვარი, № 2.

2 საქართველოს რესპუბლიკის მთავრობის 1992 წლის 26 აპრილის № 867 დადგენილების მოქმედების ვადის გაგრძელების შესახებ

საქართველოს რესპუბლიკის მინისტრთა კაბინეტი ადგენს:

1. გაუგრძელდეს ვადა „საქართველოს რესპუბლიკის ტერიტორიაზე საქონლის (სამუშაოთა, მომსახურების) ექსპორტისა და იმპორტის კოტირებისა და ლიცენზირების დროებითი წესების შესახებ“ საქართველოს რესპუბლიკის მთავრობის 1992 წლის 26 აპრილის № 867 დადგენილებას აღნიშნულ საკითხზე ახალი დადგენილების მიღებამდე.

2. დაევალოს საქართველოს რესპუბლიკის ეკონომიკის სამინისტროს, საქართველოს რესპუბლიკის ფინანსთა სამინისტროს, საქართველოს რესპუბლიკის საგარეო ეკონომიკურ ურთიერთობათა კომიტეტს ერთი თვის ვადაში წარმოუდგინონ საქართველოს რეს-



პუბლიკის მინისტრთა კაბინეტს განსახილველად საქართველოს რესპუბლიკის ტერიტორიაზე საქონლის (სამუშაოთა, მომსახურების) ექსპორტისა და იმპორტის კვოტირებისა და ლიცენზირების ერთიანი წესები.

საქართველოს რესპუბლიკის
პრემიერ-მინისტრი

თ. სიგუა

ქ. თბილისი, 1993 წ. 10 იანვარი, № 5.

3 თხევადი გაზის ფასის მოწესრიგების შესახებ

რესპუბლიკისათვის მოსაწოდებელი თხევადი გაზის შესასყიდი ფასის მნიშვნელოვნად გაზრდასთან დაკავშირებით, აგრეთვე ამ გაზით მოსახლეობისა და სხვა მომხმარებლების შეუფერხებელი მომარაგების უზრუნველყოფის მიზნით საქართველოს რესპუბლიკის მინისტრთა კაბინეტი ადგენს:

20400

1. დამტკიცდეს და შემოღებულ იქნეს სამოქმედოდ 1993 წლის 1 იანვრიდან თხევადი გაზის სარეალიზაციო ფასი ყველა კატეგორიის მომხმარებლებისათვის (მოსახლეობის განსაზღვრულ ნაწილზე მოქმედი შეღავათებზე გათვალისწინებით), დანართის თანახმად.


2. ძალადაკარგულად ჩაითვალოს საქართველოს რესპუბლიკის მთავრობისა და კონცერნ „საქგაზის“ მიერ თხევადი გაზის სარეალიზაციო ფასის მოწესრიგებასთან დაკავშირებით აღრე მიღებული გადაწყვეტილებანი.

3. 1993 წლის 1 იანვრისათვის არსებული თხევადი გაზის ნაშთების გადაფასება მოხდეს მოქმედი წესის შესაბამისად და ფასთა სხვაობის თანხა ჩაირიცხოს სახელმწიფო ბიუჯეტში.

საქართველოს რესპუბლიკის
პრემიერ-მინისტრი

თ. სიგუა

ქ. თბილისი, 1993 წ. 16 იანვარი, № 33.





გაზის მეურნეობების მიერ მოსახლეობისა და სხვა მომხმარებლებისათვის მისაწოდებელი თხევადი გაზის ფასი (დამატებით ღირებულებაზე გადასახადის ჩათვლით)

დასახელება	საქართველოს რესპუბლიკის ტერიტორიაზე (მან. და კაპ.)
ერთი კილოგრამი თხევადი გაზი	72-73

შენიშვნა: თხევადი გაზის გაცემა აბონენტისათვის ხდება ბალონებითა და ცისტერნებით, ადგილზე ბალონების მიტანითა და სათავსებში ჩასხმით

საქართველოს რესპუბლიკის
მინისტრთა კაბინეტის
საქმეთა მმართველი

გ. ბერიძე

საქართველოს რესპუბლიკაში საბუღალტრო აღრიცხვის
4 ხვინა და ანგარიშგების დროებით დებულებაში
ცვლილების შეტანის შესახებ

საქართველოს
რესპუბლიკის
საბუღალტრო
აღრიცხვის
სახელმწიფო

საქართველოს რესპუბლიკის მინისტრთა კაბინეტი ადგენს:

1. საქართველოს რესპუბლიკის მთავრობის 1992 წლის 4 სექტემბრის № 888 დადგენილებით დამტკიცებული საქართველოს რესპუბლიკაში საბუღალტრო აღრიცხვისა და ანგარიშგების დროებითი დებულების 49-ე პუნქტის „ბ“ ქვეპუნქტი ჩამოყალიბდეს ასეთი რედაქციით:

„შრომის საშუალებები, რომელთა ღირებულება შეძენის ფასის მიხედვით ერთეულზე გაანგარიშებით 10000 მანეთამდეა, მიუხედავად მათი მომსახურების ვადისა, სასოფლო-სამეურნეო მანქანებისა და იარაღების, სამშენებლო მექანიზებული ინსტრუმენტების, აგრეთვე მუშა და პროდუქტიული პირუტყვის გარდა, რომლებიც მიეკუთვნებიან ძირითად საშუალებებს, მიუხედავად მათი ღირებულებისა“.

2. საქართველოს რესპუბლიკის ფინანსთა სამინისტრომ დაინტერესებულ სამინისტროებთან და უწყებებთან ერთად შეიმუშაოს და საქართველოს რესპუბლიკის ეკონომიკური რეფორმის შტაბს დასამტკიცებლად წარმოუდგინოს დებულება საქართველოს რესპუბლიკაში საბუღალტრო აღრიცხვისა და ანგარიშგების შესახებ.

3. ეს დადგენილება ძალაში შევიდეს 1993 წლის 1 იანვრიდან.

საქართველოს რესპუბლიკის
პრემიერ-მინისტრი

თ. სიჭუა

ქ. თბილისი, 1993 წ. 16 იანვარი, № 35.

5 სასოფლო-სამეურნეო დანიშნულების მიწების რეფორმის მიმდინარეობის შესახებ

საქართველოს რესპუბლიკის მინისტრთა კაბინეტი აღნიშნავს, რომ მისი 1992 წლის 18 იანვრის № 48, 6 თებერვლის № 128 და 10 მარტის № 290 დადგენილებათა შესაბამისად რესპუბლიკის 67 რაიონიდან 51-ში ხორციელდება მიწის რეფორმის პირველი ეტაპის — საკარმიდამო ნაკვეთების შევსების ღონისძიებანი. რაიონების

გამგეობებთან და ცალკეულ სოფლებში შეიქმნა მიწის რესურსებისა და მიწის რეფორმის განყოფილებანი, კომისიები.

მიწის რეფორმის წარმატებით განხორციელებდა, მიწების რაციონალური გამოყენების უზრუნველყოფის მიზნით საქართველოს რესპუბლიკის მინისტრთა კაბინეტი ადგენს:

1. აღინიშნოს ამბროლაურის, ახალგორის, ბორჯომის, დუშეთის, ონის, ყვარლის, ხაშურის რაიონებისა და მეურნეობათა მიწის რეფორმის კომისიების არადაამაყოფილებელი მუშაობა.

დაევალოთ ახალქალაქის, ნინოწმინდისა და წალკის რაიონების მმართველობის ადგილობრივ ორგანოებს გააუქმონ მიწის რეფორმის შესახებ არსებული დადგენილების მოთხოვნების საწინააღმდეგოდ მიღებული გადაწყვეტილებანი მიწის ფართობების კომლების წევრთა რაოდენობის მიხედვით გამოყოფის შესახებ და უზრუნველყონ მიწების გამოყოფა კომლების მიხედვით.

2. თესლის, სანერგე მასალების, სანაშენე პირუტყვის წარმოების პოტენციის შენარჩუნებისა და შემდგომი განვითარების მიზნით აიკრძალოს მეთესლეობის, სანერგე, ჯიშთგამოცდის სანაშენე მეურნეობებზე, სამეცნიერო-კვლევით, საცდელ და სასწავლო დაწესებულებებზე მიმაგრებული ფართობებიდან რეფორმის ფონდში მიწების გამოყოფა ამ მეურნეობებთან, სამეცნიერო-კვლევით და სასწავლო დაწესებულებებთან, აგრეთვე საქართველოს სოფლის მეურნეობის აკადემიასა და საქართველოს რესპუბლიკის სოფლის მეურნეობისა და კვების მრწველობის სამინისტროსთან შეუთანხმებლად.

არსებული დადგენილების მოთხოვნის დარღვევით ამ კატეგორიის მეურნეობებიდან რეფორმის ფონდში გამოყოფილი მიწები დაუბრუნდეს პირველად მიწათმოსარგებლებს.

3. საკარმიდამო ნაკვეთების შევსებასთან დაკავშირებით სამემკვიდრეო დავების აღმოფხვრისა და მოსახლეობისათვის გადაცემულ ფართობზე გაშენებული მრავალწლიანი ნარგავების შენარჩუნების მიზნით საქართველოს რესპუბლიკის მინისტრთა კაბინეტის 1992 წლის 18 იანვრის № 48 დადგენილების მესამე პუნქტიდან ამოღებულ იქნეს სიტყვები „ამასთან შესაძლებლობის შემთხვევაში მათ პირველ რიგში გამოეყოფათ ყოფილი მიწებიდან ნაკვეთი ნორმის ფარგლებში“, აგრეთვე მეხუთე პუნქტიდან სიტყვები „მრავალწლიანი ნარგავების ღირებულების გადახდით“.

4. რესპუბლიკის ქალაქების მოსახლეობისაგან განტვირთვისა და მოსახლეობის სურსათით დაკმაყოფილების გაუმჯობესების

მიზნით განისაზღვროს რესპუბლიკური დაქვემდებარების ქალაქებში და რაიონულ ცენტრებში მცხოვრებთათვის გამოსაყოფი მიწის ფართობების რაოდენობა თანახმად დანართისა.

დანართში ჩამოთვლილმა რაიონებმა ორი კვირის ვადაში შეარჩიონ დანართით დამტკიცებული ოდენობის ფარგლებში ქალაქებსა და რაიონულ ცენტრებში მცხოვრებთათვის გადასაცემი ფართობები კონკრეტული ადგილმდებარეობის მიხედვით და შესათანხმებლად წარუდგინონ საქართველოს რესპუბლიკის მიწის რესურსებისა და მიწის კადასტრის კომიტეტს.

საქართველოს რესპუბლიკის მიწის რესურსებისა და მიწის კადასტრის კომიტეტმა საქართველოს რესპუბლიკის სოფლის მეურნეობისა და კვების მრეწველობის სამინისტროსთან, საქართველოს რესპუბლიკის არქიტექტურისა და მშენებლობის საქმეთა სამინისტროსთან, საქართველოს რესპუბლიკის გეოლოგიის, გეოდეზიისა და კარტოგრაფიის დეპარტამენტთან ერთად ერთი კვირის ვადაში განიხილოს რაიონებიდან შესათანხმებლად წარმოდგენილი მასალები და შესაბამისი დასკვნა აცნობოს რაიონების მმართველობის ადგილობრივ ორგანოებს.

ქალაქებსა და რაიონულ ცენტრებში მცხოვრებ პირთათვის, რომელთაც სურვილი აქვთ სოფლის მეურნეობის პროდუქტების საწარმოებლად მიიღონ მიწის ნაკვეთები, დაწესდეს შემდეგი პირობები:

— იმ შემთხვევაში, თუ ამოეწერებიან ქალაქიდან და შუდმივ საცხოვრებლად გადავლენ რაიონში, საკარმიდამო მიწის ნაკვეთი დაუწესდეთ „საქართველოს რესპუბლიკაში მიწის რეფორმის პირველი ეტაპის განხორციელების ღონისძიებებისა და საქართველოს რესპუბლიკის მინისტრთა კაბინეტის 1992 წლის 18 იანვრის № 48 და 6 თებერვლის № 128 დადგენილებებში ნაწილობრივ ცვლილებათა და დამატებათა შეტანის შესახებ“ საქართველოს რესპუბლიკის მინისტრთა კაბინეტის 1992 წლის 10 მარტის № 290 დადგენილების მექვეყნე პუნქტის მესამე და მეოთხე აბზაცით, ხოლო თუ არ ამოეწერებიან ქალაქიდან, ამავე პუნქტის მეხუთე აბზაცით გათვალისწინებული ნორმის შესაბამისად;

— საქართველოს რესპუბლიკის თავდაცვის სამინისტროს ნებართვით საზღვრისპირა რაიონებში ოჯახებით მუდმივ საცხოვრებლად ჩამსვლელთ სარგებლობის უფლებით გამოეყოთ მიწის ნაკვეთი საქართველოს რესპუბლიკის მინისტრთა კაბინეტის 1992 წლის 10 მარტის № 290 დადგენილებით გათვალისწინებული ნორმების შესაბამისად.



ქალაქების თბილისის, ქუთაისის, რუსთავის, რესპუბლიკური დაქვემდებარების სხვა ქალაქების, აგრეთვე რაიონული ცენტრების მმართველობის ადგილობრივმა ორგანოებმა განახორციელონ ღონისძიებანი დადგენილების ამ პუნქტში გათვალისწინებული მიწის მიღების მსურველ მოქალაქეთა ნუსხის დასადგენად და მათი სურვილის გათვალისწინებით მიმართონ შესაბამისი რაიონების მმართველობის ადგილობრივ ორგანოებს.

ძალადაკარგულად ჩაითვალოს საქართველოს რესპუბლიკის მინისტრთა კაბინეტის 1992 წლის 10 მარტის № 290 დადგენილების 1-ლი პუნქტის ბოლო ორი აბზაცი.

5. მიწების სამეურნეო ათვისებაში მოსახლეობისათვის ხელშეწყობის მიზნით:

— მიჩნეულ იქნეს სასურველად მიწის მიღების მსურველთა ორგანიზაციების მიხედვით შერჩევა და შესაძლებლობის ფარგლებში მათი კომპაქტურად დასახლება:

— საქართველოს რესპუბლიკის არქიტექტურისა და მშენებლობის საქმეთა სამინისტრომ, საქართველოს რესპუბლიკის მიწის რესურსებისა და მიწის კადასტრის კომიტეტმა, საქართველოს რესპუბლიკის სოფლის მეურნეობისა და კვების მრეწველობის სამინისტრომ არსებული წესის შესაბამისად სათანადო ანაზღაურებით გაუწიონ მოსახლეობას დახმარება ასათვისებელი მიწების დაპროექტებაში, თესლით, სარგავი მასალით, პირუტყვის მოზარდეულით, მინერალური სასუქებით, შხამქიმიკატებით, სასოფლო-სამეურნეო ტექნიკით, ინვენტარიითა და მეურნეობრიობისათვის საჭირო სხვა მატერიალური საშუალებებით მომარაგებაში, აგრეთვე აგრო-ზოო-ვეტმომსახურებაში;

— საქართველოს რესპუბლიკის ეროვნულმა ბანკმა შეიმუშაოს კრედიტის გაცემის მექანიზმი იმ მოქალაქეებისათვის, რომლებიც მიიღებენ მიწის ნაკვეთს;

— საქართველოს რესპუბლიკის მიწის რესურსებისა და მიწის კადასტრის კომიტეტის სისტემაში შეიქმნას ქალაქებსა და რაიონულ ცენტრებში მცხოვრებ პირთა, რომლებმაც მიიღეს მიწის ნაკვეთი, აგრეთვე მებაღეობისა და სააგარაკო საზოგადოებების წევრთა მომსახურე ორგანიზაცია და გადაეცეს მას ადრე კოლექტიური მებაღეობის საკოორდინაციო საბჭოს „აგროკოოპის“ დაქვემდებარებაში არსებული და საქართველოს რესპუბლიკის მრეწველობის სამინისტროსათვის გადაცემული სარემონტო-სამშენებლო სამმართველოს „საქაგროკოოპმშენის“, საშენი მასალების საწარმოს „საქაგროკოოპ-



მრეწვის“, საპროექტო კანტორა „საქაგროკოოპროექტის“ მატერიალურ-ტექნიკური ბაზები, ფილიალები თავისი აქტივითა და პასივით, აგრეთვე ადმინისტრაციული შენობა (მარჯანიშვილის ქ. № 44).

გაუქმდეს საქართველოს რესპუბლიკის მინისტრთა კაბინეტის 1991 წლის 16 აგვისტოს № 716 განკარგულება.

საქართველოს რესპუბლიკის მიწის რესურსებისა და მიწის კადასტრის კომიტეტმა განიხილოს და გადაწყვიტოს საქართველოს რესპუბლიკის მრეწველობის სამინისტროსათვის აგროკოოპის ქონების ბაზაზე შექმნილი სახელმწიფო კონცერნის საქმიანობის შეწყვეტასთან დაკავშირებით სალიკვიდაციო თანხების ანაზღაურების საკითხი (385 ათასი მანეთი).

ამ დადგენილების დანართით გათვალისწინებული მიწის სასოფლო-სამეურნეო დანიშნულებით გამოუყენებლობის შემთხვევაში მოქალაქეს ჩამოერთვას გადაცემული ნაკვეთი საქართველოს რესპუბლიკის მიწის კანონმდებლობით გათვალისწინებული წესის მიხედვით.

20400

6. მიწის რეფორმის წარმატებით განხორციელების მიზნით ავტონომიური რესპუბლიკების, ქალაქებისა და რაიონების მმართველობის ადგილობრივი ორგანოების ერთ-ერთ უმთავრეს ამოცანად ჩაითვალოს მათდამი დაქვემდებარებულ ტერიტორიაზე მიწის რეფორმის გატარების ორგანიზაციულ ღონისძიებათა შემუშავება და მისი მიმდინარეობისადმი კონტროლი.

7. საქართველოს რესპუბლიკის მიწის რესურსებისა და მიწის კადასტრის კომიტეტმა დაინტერესებულ ორგანიზაციებთან შეთანხმებით ერთი თვის ვადაში წარმოადგინოს მიწის საკუთრებაში, მფლობელობასა და სარგებლობაში გადაცემის დამადასტურებელი მკაცრი აღრიცხვის დანომრილი სახელმწიფო გერბიანი აქტის ფორმათა მაკეტები.

8. საქართველოს რესპუბლიკის მიწის რესურსებისა და მიწის კადასტრის კომიტეტმა 1993-1994 წლებში:

— ჩაატაროს რესპუბლიკის მიწების სრული ინვენტარიზაცია, ასათვისებლად ვარგისი მიწის ფართობების განსაზღვრის გათვალისწინებით და სათიბ-საძოვრების აგროსამეურნეო გამოკვლევით;

— მოახდინოს ეროზიის საწინააღმდეგო ღონისძიებათა სქემის კორექტირება, ხოლო ეროზიასაშიშ უბნებზე დაიწყოს და განხორციელოს საპროექტო-საძიებო და სამშენებლო სამუშაოები.

9. საქართველოს რესპუბლიკის გეოლოგიის, გეოდეზიისა და კარტოგრაფიის დეპარტამენტმა ყოველწლიურად უზრუნველყოს

მიწის რესურსებისა და მიწის რეფორმის კომიტეტი საკმარისი რაოდენობის საგეგმო-კარტოგრაფიული მასალებით.

10. საქართველოს რესპუბლიკის მიწის რესურსებისა და მიწის კადასტრის კომიტეტმა გააძლიეროს სახელმწიფო კონტროლი მიწების მიზნობრივი გამოყენებისადმი.

11. საქართველოს რესპუბლიკის მიწის რესურსებისა და მიწის კადასტრის კომიტეტის ცენტრალური აპარატის ადგილმდებარეობის შეცვლასთან დაკავშირებით საქართველოს რესპუბლიკის მინისტრთა კაბინეტის საქმეთა მმართველობა დაეხმაროს მას ინვენტარის შექმნაში, სამუშაო ოთახების გარემონტებაში, ტელეფონიზაციაში და სატრანსპორტო საშუალებების გამოყოფაში.

12. ასოციაციებს, საზოგადოებებს, სხვა არასახელმწიფოებრივ სტრუქტურებს სასოფლო-სამეურნეო პროდუქციის წარმოების მიზნით მიწები გადაეცეთ მხოლოდ იჯარით, ხოლო მშენებლობის საჭიროებისათვის მიწების გამოყოფის ყველა კონკრეტულ შემთხვევაში გადაწყვეტილებას მიიღებს საქართველოს რესპუბლიკის მინისტრთა კაბინეტი დადგენილი წესით.

13. საქართველოს რესპუბლიკის მიწის რესურსებისა და მიწის კადასტრის კომიტეტმა 10 დღის ვადაში წარმოადგინოს დასამტკიცებლად კომიტეტის დებულება და სტრუქტურა.

14. დადგენილება გამოქვეყნდეს პრესაში და გადაიცეს საინფორმაციო საშუალებებით.

საქართველოს რესპუბლიკის
პრემიერ-მინისტრი

თ. სიგუა.



რესპუბლიკის ქალაქებსა და რაიონულ ცენტრებში მცხოვრები
მოსახლეობისათვის გამოსაყოფი ფართობები

ავტონომიური რესპუბლიკები, ზონები, რაიონები	სულ გამოსაყოფი ფართობი	მათ შორის	
		რაიონის ცენტრისა და დაბების მცხოვრებთათვის	რესპუბლიკის ქალაქების მცხოვრებთათვის
აფხაზეთის ავტონომიური რესპუბლიკა — სულ	4230	3240	990
აჭარის ავტონომიური რესპუბლიკა — სულ	1510	1215	295
ქალაქ ტყიბულის ზონა	525	400	125
ქალაქ წყალტუბოს ზონა	1370	300	1070
ქალაქ კიათურის ზონა	350	270	80
აბაშის რაიონი	460	120	340
ადიგენის რაიონი	110	50	60
ამბროლაურის რაიონი	710	145	565
ასპინძის რაიონი	80	55	25
ახალგორის რაიონი	620	170	450
ანალქალაქის რაიონი	890	40	850
ახალციხის რაიონი	570	400	170
ახმეტის რაიონი	1370	500	870
ბაღდათის რაიონი	550	270	280
ბოლნისის რაიონი	4020	170	3850
ბორჯომის რაიონი	460	260	200
გარდაბნის რაიონი	6590	90	6500
გორის რაიონი	2850	900	1950
გურჯაანის რაიონი	2570	750	1900



აგრონომიური რესპუბლიკები, ზონები, რაიონები	სულ გამოსავალი ფართობი	მათ შორის	
		რაიონის ცენტრისა და დაბების მცხოვრებთათვის	რესპუბლიკის ქალაქების მცხოვრებთათვის

დედოფლისწყაროს რაიონი	1390	600	790
ღმანისის რაიონი	400	170	230
ღუშეთის რაიონი	1780	330	1450
ვანის რაიონი	870	500	370
ზესტაფონის რაიონი	1100	350	750
ზუგდიდის რაიონი	3500	2000	1500
თელავის რაიონი	2430	1100	1330
თერჯოლის რაიონი	590	220	370
თეთრი წყაროს რაიონი	1660	130	1530
თიანეთის რაიონი	1465	750	715
კასპის რაიონი	2230	500	1730
ლაგოდეხის რაიონი	520	200	320
ლანჩხუთის რაიონი	1300	800	500
ლენტეხის რაიონი	70	50	20
მარნეულის რაიონი	5870	120	5750
მარტვილის რაიონი	670	200	470
მესტიის რაიონი	205	150	55
მცხეთის რაიონი	850	820	30
ნინოწმინდის რაიონი	960	20	940
ონის რაიონი	280	30	250
ოზურგეთის რაიონი	1590	590	1000
საგარეჯოს რაიონი	2230	500	1730
სამტრედიის რაიონი	2675	1900	775
საჩხერის რაიონი	500	250	250



ავტონომიური რესპუბლიკები, ზონები, რაიონები	სულ გამოსაკეთი ფართობი	მათ შორის	
		რაიონის ცენტრისა და დაბების მცხოვრებთათვის	რესპუბლიკის ქალაქების მცხოვრებთათვის
სენაკის რაიონი	2340	1200	1140
სიღნაღის რაიონი	2080	130	1950
ქარელის რაიონი	1060	600	460
ყაზბეგის რაიონი	120	100	20
ყვარლის რაიონი	1130	600	530
ჩოხატაურის რაიონი	540	300	240
ჩხოროწყუს რაიონი	580	250	330
ცაგერის რაიონი	490	130	360
წალკის რაიონი	1030	50	980
წალენჯიხის რაიონი	730	500	230
ხარაგაულის რაიონი	490	180	310
ხაშურის რაიონი	1900	1000	900
ხობის რაიონი	2190	300	1890
ხონის რაიონი	1170	350	820
ს უ ლ	80820	27315	53505

საქართველოს რესპუბლიკის
 მინისტრთა კაბინეტის
 საქმეთა მმართველი

ბ. ბერიძე.

საქართველოს რესპუბლიკის მინისტრთა კაბინეტი ადგენს:
გაუგრძელდეს ვადა „საქართველოს რესპუბლიკის ტერიტორიიდან შავი და ფერადი ლითონების ჯართისა და ნარჩენების ექსპორტის დროებითი შეჩერების შესახებ“ საქართველოს რესპუბლიკის მთავრობის 1992 წლის 7 აგვისტოს № 802 დადგენილებას „საქართველოს რესპუბლიკის ტერიტორიაზე საქონლის (სამუშაოთა, მომსახურების) ექსპორტისა და იმპორტის კვოტირების და ლიცენზირების ერთიან წესებზე“ საქართველოს რესპუბლიკის მინისტრთა კაბინეტის დადგენილების მიღებამდე.

საქართველოს რესპუბლიკის
პრემიერ-მინისტრი **თ. სიგუა**

ქ. თბილისი, 1993 წ. 25 იანვარი, № 40.

СОБРАНИЕ ПОСТАНОВЛЕНИЙ КАБИНЕТА МИНИСТРОВ
 РЕСПУБЛИКИ ГРУЗИЯ

№ 1, 1993 წელი

გამომცემელი: საქართველოს რესპუბლიკის მინისტრთა კაბინეტის
 საქმეთა მმართველობა

ხელმოწერილია დასაბუქდად 17/III-93 წ. ქალაქის ზომა 70×108¹/₁₆,
 საბუქდი თაბახი 1, საარციხეო თაბახი 1

წლიური ხელმოწერის ფასი 240 ჰან.